



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloqventiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

X. Corpora defunctorum honestè esse sepelienda.

urn:nbn:de:hbz:466:1-39028

tent perpetuò , quam nobis cordi debeant esse
Leges.

X. CORPORA DEFVNCTORVM *honestè esse sepelienda.*

IN EXORDIO referes , nationes multas olim mul-
tam rationem sepulturæ habuisse. Nam PERSÆ
canibus & avibus ante demortuos objecerunt.
(Herod.lib.1.) INDI sepulchra multa habuerunt.
(Cal.lib.19.cap.30.) PARTHI, BACTRIANI, & CA-
SPI canibus domi ad hoc officium nutritis dilani-
andos mortuos objecerunt (Bonifin.lib.1.rerum Vn-
garicar. decad.1.) MASSAGETÆ propinquos & co-
gnatos suos, ubi ad multam senectutem venissent,
vel aliquo casu mors visa esset appropinquare,
mactatos ante , magnifico apparatu devorârunt.
COLCHI defunctos suos non sepeliverunt, sed de
arboribus suspenderunt.

In POSITIONE dices , Te ostensurum, nobis
Christianis sepulturam nequaquam esse negli-
gendam.

CONFIRMATIONIS I. RATIO, ab Exemplis San-
ctorum, qui eam non neglexerunt. Nam ABRAHAM
legitur agrum emisse pro sepultura sua & uxoris
sux, (Gen. 25) ibidemque post sunt sepulti Isaac,
Jacob, & alii. DAVID Rex Saulem Regem & filios
ejus sepelivit, (Reg. 21.) Hierosolymis in monte Si-
on Davidis & aliorum Regum fuerunt sepul-
chra: humati ibidem sunt Salomon, Roboam,
Ezechias & alii (3. Reg. 2. 2. II. & 14. 2. Pa-
ralip 32.)

II. ab Exemplis etiam Ethnicorum. ATHENIEN-
SES illis, qui adversus Philippum ad Cheroniam
pugnantes occubuerant, sepulchra publicè extru-
xerunt (Demosth. in Orat funebri.)

B 4

III. ab

III. *ab adjuncta turpitudine neglecta sepultura*
 Nam legimus pœnæ loco à Josua captos Reges
 insepultos fuisse abjectos; ut & Goljathi corpus,
 (1. Reg. 17.) Jefabelis Reginae Achabi, (4. Regum
 9.) Joachimi Judæorum Regis, (4. Reg. 24.)
 Et injure gravissimæ pœnæ loco habetur, non
 permitti ut corpora sepeliantur. (*Digest. lib. 84.
 tit. 4. de cadaveribus punitorum.*) David inter
 alias querelas etiam hanc adfert, quod tyran-
 ni servorum Domini cadavera insepulta relin-
 quant.

IV. *à sine sepultura multiplici, eoque honestissimo.*
 Nam inventa est sepultura PRIMÒ, ne fœtor &
 horror sit vivis. (*Thom. lib. 4. Sent.*) SECUNDÒ, ut
 leniatur luctus eorum, qui suis sunt orbat. (*De-
 mosth. in orat. funebri.*) TERTIÒ, ut cives alii, super-
 stites adhuc, ad bene fortiterque rem gerendam
 animentur, & alacriores reddantur. (*Ibid.*) QUAR-
 TÒ, quia mortuorum corpora, dum vixerunt, fue-
 runt organa Spiritus Sancti. Quemadmodum er-
 go amicorum annulos, vestes, libros, & huius ge-
 neris alia non contempnimus: ita neque mortui
 negligendi, aut insepulti abjicendi sunt. QUIN-
 TÒ, ob resurrectionem mortuorum. (*Thom. lib. 4.
 Sent.*) SEXTÒ, ut sic piam instituamus mortis &
 fragilitatis vitæ humanæ meditationem. (*Cal. lib.
 17. cap. 17.*)

V. *à testimonio juris Civilis.* Hoc enim actionem
 sepulchrorum violatorum instituit. (*Digest. lib. 17.
 tit. 12. de sepulchro violato.*)

In EPILOGO monebis Auditores, ut sepulturæ
 proximorum diligentem habeant rationem,

(*Vide P. Gretseri lib. tres de funere
 Christiano.*)

XI. IN